

NEZAVISNI.ba



Demant na članak pod naslovom „Zaposleni u RMU Banovići podržali Džindića: Rasvijetlite mučnu istinu“ 11.11.2019.g.

Od strane Vijeća za štampu BiH na adresu nezavisni.ba došao je demant na članak „Zaposleni u RMU Banovići podržali Džindića: Rasvijetlite mučnu istinu“ objavljen 11.11.2019.g. kojim se traži ispravka netačne objave u pomenutom članku.

Žalbu je uputila Sindikalna organizacija RMU „BANOVICI“ d.d Banovići koju prenosimo u cjelosti:

DEMANT

U Vašim medijima dana 11.11.2019.godine objavili ste tekst o navodnom podržavanju Federalnog ministra energije, rudarstva i industrije gosp. Nermina Džindića od strane Sindikata zaposlenika RMU „Banovići“ d.d. Banovići, a na osnovu akta broj: 122-11/19 od 11.11.2019.godine pod nazivom „STAV SINDIKATA ZAPOSLENIKA RMU „BANOVIĆI“ koji je potpisan od strane Nihada Huremovića, koji u potpunosti DEMANTUJEMO iz sledećih razloga:

Sindikat zaposlenika RMU „Banovići“ d.d. Banovići koga navodno predstavlja Nihad Huremović, nema reprezentativnost u ovom kolektivu u odnosu na Zakon o radu FBiH jer od gotovo 2900 radnika u pomenuti sindikat je uključeno 98 radnika, dok reprezentativni sindikat u ovom kolektivu broji 2699 radnika.

Imajući naprijed navedeno u vidu, Sindikat zaposlenika RMU „Banovići“ nema legalitet ni legitimitet da nastupa ni pred poslodavcem a ni pred drugim institucijama pa ni medijima u ime radnika Rudnika Banovići, a još manje u ime dioničara ovog kolektiva.

Pored toga, pomenuti stav ne odražava ni stav 98 članova te organizacije, jer je većina od njih svjesna da stavovi ministra Džindića predstavljaju pravno nasilje a plan prestrukturiranja uništenje ovog kolektiva i cjelokupne lokalne zajednice, jer se radi o zadovoljavanju političkih a ne ekonomskih ciljeva bez obzira na posljedice.

S toga, dopis na osnovu koga ste sačinili i objavili tekst, predstavlja isključivo stav i političko a ne sindikalno djelovanje Nihada Huremovića koji je zloupotrijebio pečat sindikalne organizacije i kroz svoje lično nezadovoljstvo, putem Vaših medija pokušao dovesti javnost u zabludu.

Napominjemo takođe, da je zbog postupaka Huremovića ovaj sindikat isključen iz granskog sindikata odnosno Samostalnog sindikata radnika rudnika u FBiH Odlukom Upravnog odbora ovog sindikata broj: 108-B/18 od 31.08.2018.godine (U prilogu Odluka o isključenju).

Iz navedenih razloga, kao legalni i legitimni predstavnici radnika, kao reprezentativni sindikat Rudnika Banovići i članica Samostalnog sindikata rudara u FBiH, koji predstavljamo interese 2699 radnika našeg kolektiva, radi objektivnog informisanja javnosti i naše obaveze da štitimo interese našeg kolektiva zahtjevamo da objavite ovaj demant shodno zakonskim propisima o informisanju, te još jednom naglašavamo da su postupci ministra Džindića i Fadila Novalića klasični oblik antizakonskog djelovanja koje spada u segment „pravnog nasilja“ protiv čega će mo se nastaviti boriti dozvoljenim sindikalnim sredstvima.

Sretno!



Na osnovu člana 18. stav 1. alineja 7. a u vezi sa članom 63. stav 1. alineja 1. Statuta Samostalnog sindikata radnika rudnika Federacije BiH, Upravni odbor na svojoj redovnoj sjednici, održanoj 27. avgusta 2018. godine *donosi*

ODLUKU

o isključenju Sindikalne organizacije Sindikat zaposlenika RMU „Banovići“ iz članstva Samostalnog sindikata radnika rudnika Federacije BiH

Član 1.

Ovom odlukom isključuje se Sindikalna organizacija Sindikat zaposlenika Rudnik mekog uglja „Banovići“ iz članstva Samostalnog sindikata radnika rudnika Federacije BiH.

Član 2.

Predstavnici članice protiv koje je pokrenut postupak isključenja iz članstva Samostalnog sindikata, ne mogu, do donošenja konačne odluke obavljati nikakvu funkciju u Samostalnom sindikatu radnika rudnika Federacije BiH.

Članica je dužna poštovati Odluku o načinu finansiranja organa Samostalnog sindikata radnika rudnika Federacije BiH broj: 17-01/17 od 23. januara 2017. godine sve do okončanja postupka isključenja u skladu sa članom 60. stav 2. Statuta Samostalnog sindikata radnika rudnika FBiH.

Član 3.

Odluka stupa na snagu danom donošenja.

Obrazloženje:

Predsjedništvo Upravnog odbora Samostalnog sindikata radnika rudnika Federacije BiH je na svojoj redovnoj sjednici, održanoj 16. avgusta 2018. godine razmatralo Odluku o zamrzavanju članstva u Samostalnom sindikatu radnika rudnika Federacije BiH broj: 119-07/18 od 30. jula 2018. godine. Tom prilikom Predsjedništvo Upravnog odbora SSRFBiH je donijelo zaključke te konstatovalo da je Sindikalna organizacija Sindikat zaposlenika RMU „Banovići“ načinila prijestup protiv zaključaka nadležnih organa Samostalnog sindikata radnika rudnika FBiH, a obzirom da je kolega Nihad Huremović, predsjednik glasao za Odluku o distanciranju Samostalnog sindikata radnika rudnika FBiH od daljeg djelovanja u članstvu Saveza samostalnih sindikata BiH broj: 79-06/18 od 21. juna 2018. godine. S tim u vezi, na sjednici Predsjedništva UO, između ostalog, zaključeno je da se pripremi Prijedlog odluke o isključenju Sindikalne organizacije Sindikat zaposlenika RMU „Banovići“ iz članstva Samostalnog sindikata radnika rudnika Federacije BiH. Upravni odbor Samostalnog sindikata radnika rudnika Federacije BiH, na svojoj redovnoj sjednici održanoj 27. avgusta 2018. godine razmatrao prijedlog odluke pri čemu je konstatovano da je prekršen član 63. stav 1. alineja 1. Statuta Samostalnog sindikata radnika rudnika FBiH.

Imajući u vidu sve gore navedeno, Upravni odbor Samostalnog sindikata radnika radnika FBiH konstatovao je da su se ispunili uslovi predviđeni Statutom Samostalnog sindikata radnika radnika FBiH za isključenje Sindikalne organizacije Sindikat zaposlenika RMU „Banovići“ iz članstva Samostalnog sindikata radnika radnika FBiH, radi čega se i donesi ova odluka.

Broj:108-08/18
Sarajevo, 31.08.2018. godine

SRETNO!

Samostalni sindikat radnika radnika Federacije BiH



Dostaviti:

- Predsjedniku Skupštine SSRRFBiH g-din Rešad Oberhodžić
- Članicama SSRRFBiH
- Sindikalna organizacija Sindikat zaposlenika RMU „Banovići“
- A/a